

欽定四庫全書

子部

小兒衛生總微論方卷十五



南京中医药大学图书馆版权所有

小兒衛生總微論方
 黃病論
 凡有身體肌黃目赤黃
 宜傷飽脾胃一熱與氣
 黃病論
 凡有身體肌黃目赤黃

此黃病也因將息過度
 搏蒸發於外脾胃象土
 不可灸灸則熱轉甚矣
 脹滿一身盡黃及目睛
 皆黃此疸病也若發渴

小便澀腹滿脉沉細為難治也黃病者稍輕疸病者極重又有自生下面身深黃者此胎疸也因母臟氣有熱熏蒸於胎故也經言諸疸皆熱色深黃者是也若身微黃者胃熱也若但面黃腹大渴而食泥土者脾瘕也此二項各在本病具之外黃病疸病叙方於後

三黃散治黃病

川大黃

一兩剉碎微炒

黃芩

半兩黃連

去鬚半兩

右為細末每服一錢水一盞煎至五分去滓放溫食

後時時服

子芩散治如前

黃芩

瓜蒌根

茯神

去心內木
各一兩

甘草炙

胡黃連

各半
兩

右為細末每服一錢水一盞煎至五分去滓溫服不

拘時候

韭根汁治如前

右杵韭根取汁滴兒鼻中大豆許

丁香散治黃病遍身如金色

右六月六日收瓜蒂四十九箇丁香四十九箇入乾
鍋子內火燒烟盡取出放冷研細末每用半字吹鼻
中及揩牙

蔓菁子汁治如前

右以蔓菁子汁水和服之半錢或一錢亦治疸病

豬苓通草散治黃病透明黃腫

水豬苓

去黑皮

通草

塗蜜炙乾各等分

右為細末更入研細麝香去土地龍末各少許拌勻
每服半錢或一錢米飲調下不拘時候神效

括萋根汁治小兒忽發黃面目皮膚悉黃

右以生括萋根杵取汁三合蜜一大匙煖鎔相和量
兒大小服之不拘時候

雙連丸治諸疸病

川黃連

去鬚
一兩

胡黃連

一兩

右為細末用黃瓜一枚切蒂頭留作蓋子去穰入藥

末在瓜中却以蓋子蓋定用麵裹慢火煨令麵熟焦
去麵杵爛成劑丸菜豆大每服五七丸至十九丸溫米
飲下量大小加減不拘時候

茅煎湯治黃疸病

柴胡

去苗淨洗
焙乾一兩

甘草

一分

右㕮咀每服二錢水一盞白茅根少許同煎至五分
去滓溫服無時

螺肉酒治如前

右取田螺肉一二十箇作刮剝酒服之

驢乳汁治嬰小熱黃胎疸

右取驢乳汁少少與服

客忤論

小兒中客忤者小兒神氣嫩弱忽有非常之物或未經識見之人偶然觸而見之其客氣與兒神氣相忤以生病謂之客忤其候吐下青黃白色水穀解離腹痛夭矯面色變易五色不常狀似驚癇但目不上視其脉弦急

數者是也若不即治久則難療聖濟經曰出處不時而為客忤戒其恐見非常人物為病也千金曰小兒衣帛綿絮及鞋襪中皆不得令有頭髮又青衣不可用白帶白衣不可用青帶或諸識人物外來者並當令兒避之勿見若誤有觸犯並令兒患客忤或有犯而患者急視其兒口中懸癰左右有腫核如麻豆大者便須刺摘令潰之用綿纏釵襜頭展去其血兼服諸藥為治

治小兒客忤腹痛天矯面色變易

以香豉數合水拌令濕搗熟丸作丸子如鷄子大用
摩兒顙上及手足心各七遍及摩兒心臍上下行轉
摩之食頃破其丸視其中當有細毛即擲弃丸於道
中痛乃便止

治小兒卒中客忤塗法

竈中黃土

蚯蚓糞

等分

右研細水調塗兒顙上及五心中大良

又方浴法治如前

以馬糞三升燒令烟絕用酒三升煮數沸去滓將以浴兒

以豕猪糞二升熱湯灌攪適溫煖浴兒

又方治小兒客忤服法

以牛口沫塗乳上飼兒

以銅鏡鼻燒令赤內酒中能飲者令自飲不能飲者含而灌之

治小兒中客忤吐青白沫及乳食皆出腹中痛氣欲絕

者

以桂心一兩為末一二百日兒以半錢用水一小盞煎至五分去滓溫分四服不拘時候量兒大小加減又方治小兒客忤

右以白殭蠶七枚為末酒調服半錢至一錢

又方治如前

右取書中白魚十枚傅乳頭令兒吮服

今人呼為衣魚

又方治如前

右取驢乳汁少少與服或以熱馬屎一塊絞汁飲嚥
下即愈

麝香乳治客忤項強欲死

右以麝香少許研細用乳汁調抹兒口中如大豆許
良

又方治如前

右以桔梗燒末半錢調服量大小加減

治馬毒客忤

右以馬尾於兒面前燒令兒嚙烟氣每日用之取差
治客忤夜啼襪法

右用本家厨下燒殘火柴頭一箇以焦頭為上朱書
云吾是天上五雷公將來作神將能收夜啼鬼一縛
永不放急急如令書了勿令兒知立在兒床下倚前
脚裏廂立之男左女右

辟邪膏治客忤及治中惡邪厲鬼氣其候似癇但目不
視上倒視脉弦急中之卒暴者立至蘇省

降真香

剉

白膠香

研

沉香

虎頭骨

酥炙

鬼白

去毛

草龍膽

去蘆

人參

去蘆

白茯苓

去心

內木

各半兩

右為細末次入研飛過雄黃末半兩研細麝香一錢

拌勻煉蜜和丸鷄頭子大每服一粒煎乳香湯化下

及丸一彈子大用綠絹袋盛之帶兒衣上仍於卧處

常燒炒

三症論

小兒症病有三一者鬼症小兒神菟氣弱早晚抱持出

人無時為鬼厲邪氣所干其候皮膚掣痛游易無常或
心腹刺痛天矯悶亂欲死迺名中惡甚者卒致於死緩
者延引歲月更變沉滯以致於死又注傍人二者尸疰
人腹中有虫曰尸疰小兒血氣嫩弱邪氣外傷留滯身
中尸虫移引相乘為病其候沉沉嘿嘿不知的病之處
或寒或熱或心腹悶痛涉引歲月遂至於死又注傍人
三曰蠱毒症謂諸毒虫之中有一能噉其餘者即為之
最名之曰蠱或因人作或因引注隨飲食入而兒腹中

食人臟腑其候心腹刺痛煩悶欲絕利下無時或便血
片急者即死名曰中蠱之毒緩者涉引歲月以至臟爛
乃死又注傍人今叙諸治方于後

虎頭枕治中鬼氣為遊氣為魔

右以虎頭骨為枕與兒枕之

千金湯治小兒暴驚啼絕死因人從外來邪氣所逐令
兒得疾衆醫不治

右以蜀椒左顧牡蠣各六銖碎之酢漿一升煮取五